



F A C T V M

Pour maistre Anthoine Melue Pre-  
uost de Forcalquier, resignataire & subrogé au lieu  
droict & place de maistre Arnauld Lieutenant general  
en la ville de Forcalquier, deffendeur en la cōplaincte:


*Contre maistre Henry Serre Thresorier du Roy en la generalité  
du pays de Prouence, demandeur & complainant pour rai-  
son du possessoire de ladite Prenoité.*

**L**Es parties demeurent d'accord, tant de la personne du dernier ti-  
tulaire que du genre de vacation. Le benefice, à present conten-  
tieux, a vaqué par la mort d'un nommé Blain dernier titulaire, &  
legitime possesseur d'iceluy. La question demeure de sçauoir qui  
sont ceux qui en ont esté le mieux pourueus par ce genre de vacation.

Ledit demandeur a obtenu trois prouisions, & vn breuet de sa Majesté  
pour le ioyeux aduenement la Couronne, toutes trois inconsiderables.

La premiere prouision est du vingt-sixiesme iour du mois d'Aoust mil  
cin cens quatre vingts treize, laquelle ne luy peut de rien seruir, pour deux  
raisons indubitables. La premiere, d'autant qu'elle est emanée d'un nommé  
d'Aymini, pretendu Vicair de l'Euesque de Cisteron, la collation dudit be-  
nefice appartient au Chapitre, & non audit Euesque: cela se trouuera iustificié  
par les pieces produictes par ledit deffendeur. La seconde, pour autant que  
le Vicariat dudit d'Aymini auoit esté reuoké, en consideration de la rebel-  
lion commise par ledit sieur Euesque, contre le seruice du Roy. Il n'y a point  
de doute que la puissance de l'Euesque estant suspendue, celle du Vicair ne  
la soit par mesme moyen, *glosa & doct. in clem. ult. de procurat. suyuât le chapi-  
tre 1. de offic. Vicarij lib. 6.* Aussi la Cour de Parlemeut de Prouence trāsferée à  
Manosco, auoit estably, pendāt ledit temps, vn autre Vicair à la place du-  
dit d'Aymini, lequel faisoit toutes les fonctions dudit Vicariat lors de la va-  
cation dudit benefice, ce qui seruira pour respondre au dire dudit deman-  
deur pour ce regard: C'est à sçauoir, que depuis qu'il n'y auoit aucun econo-  
me spirituel, la puissance dudit Euesque n'auoit esté reuokée: Car outre  
que les Edicts de sa Majesté portant priuation desdits droicts à l'encōtre de  
rebelles, sont plus que suffisans pour impugner ceste maxime, encor ledit  
demandeur ne peut desnier que par le chapitre *clericos & ibi doct. de off. Vicar.*  
par la constitution dudit second Vicair, ledit d'Aymini n'aye esté reuoké,

A





comme l'on trouue par disposition de droit ciuil in l. si quis §. ff. 1. de procuratoribus, que par la constitution d'un nouueau procureur, *primus reuocatur*.

Ledit deffendeur insisteroit dauantage là dessus, n'estoit qu'il a produit de pieces pour iustifier que ledit d'Aymini a mesmes, pendant ledit temps, reconnu pour Vicaire celuy qui auoit esté estably par ladite Cour; n'estoit aussi que la collation dudit benefice appartient audit Chapitre, & non audit Euesque, comme sera remōstré plus au long cy apres: & toutesfois il ne peut obmettre de dire en passant, qu'outre toutes ces choses, ledit d'Aymini ne pouuoit par disposition de droit exercer ledit Vicariat sans licēce de l'Abbe S. Victor lez Marseille, où il est moine profez *ex clem. 2. & ib. Doctor de rescript. Guido Papa decis. 565. per glosam in can. de presentium 19. q. 1.*

Ledit demandeur n'a pas desnié par ses contredits, que ledit d'Aymini ne fust moine profez, mais il a dit qu'il est Docteur en Theologie & *eminentis scientia*, & que par ainsi pouuās estre esleu Euesque, à plus forte raison peut-obtenir vn Vicariat: mais la consequence est (soubz correction du Conseil, vitieuse, car la dignité Episcopale rompt tous ces liens: ce que ne faiēt pas le Vicariat. Et c'est pourquoy au chapitre *quorumdā de elect. in 6. offi.* Qu'encores vn religieux mendiant se mettant en vne autre religion ne puisse auoir aucune administration, office ny benefice, toutesfois il peut estre esleu Prelat & Euesque *concordi suffragio*.

La seconde prouision dudit demandeur est du xxvij. dudit mois d'Aoust, par luy obtenue en la legation d'Auignon, aussi du tout nulle & inconsidérable, pour deux raisons indubitables. La premiere, pour estre postérieure à celle que ledit maistre Arnault a obtenu dudit Chapitre, car encores que ledit demandeur mette en auant estre de mesme datte: toutesfois s'il plaist au Conseil de voir les dattes, il trouuera tout le contraire.

La seconde, d'autant qu'elle est obtenue en la legation d'Auignon pendāt les deffences & au preiudice non seulement des arrests dudit Conseil, mais aussi de ceux de la Cour de Parlemēt dudit pays où ledit benefice est scitué.

Ledit demandeur contrainct de recognoitre ce faiēt, met en auant que lesdits arrests ne l'ont peu empescher de se pourueoir pendant ledit temps en ladite legation: ce n'est pas, dit-il, comme si c'eust esté vn Edict du Roy. Mais en premier lieu, il est trescertain que par disposition de droit les arrests & iugemens portant defences, ont pareille force que les Edicts, *quidquid*, dit le preteu, *contra leges, edicta plebiscita, & senatusconsulta, factum erit ratum non habeo*. L'arrest dudit Conseil a faiēt defences à tous les subjects du Roy, de se pourueoir en ladite legation, que le pays de Prouence ne soit soubz l'obeissance du Roy, & ledit demandeur de ses subjects. C'est vne chose par trop notoire, mais ledit deffendeur passe bien plus outre: Car outre ledit arrest du Conseil, qui doit (soubz correction) auoir lieu par tout le Royaume de France, comme estant sa iurisdiction estenduē par tout ce Royaume, Il y auoit vn autre arrest de ladite Cour, que ledit demandeur dit à present estre fondé sur d'autres considerations: C'est à sçauoir, iusques à ce que les facultez dudit legat, eussent esté verifiées en ladite Cour: mais comme que ce soit, que ledit



demandeur le vueille prendre, demeurant d'accord qu'il a obtenu ces prétendues prouisions dudit Legat pendant ledit temps, de se pourueoir en ladite legation, ou pour vne raison ou pour l'autre: il s'ensuit necessairemēt qu'elles sont (soubc correction du Conseil) du tout nulles & inconsiderables.

Et ne sert de dire que le Conseil a approuué quelques prouisiōs obtenües en ladite legation pendant lescdites deffences: car outre que ledit demandeur n'en a aucune preuue dans son sac, encores peut estre que ladite pretendue approbation est interuenüe sur quelques prouisions obtenües par resignation, où iamais l'on ne regarde tant le pouuoir du collateur, estant contraint de conserer *necessitatis causa*, comme l'on faiēt la volonté du resignant: Car pour le regard des prouisions obtenues par mort, auxquelles celuy qui est pourueu *capit totum ius à collatore*: cela (soubz correction) ne se trouuera point.

Après lescdites deux prouisions; ledit demandeur cognoissant la nullité & defectuosité d'icelles en a obtenu vne troisieme en Court de Rome, aussi nulle, & pour mesmes raisons que celle obtenüe en ladite legation: vray est que puis peu de iour il a obtenu lettres de sa Majesté pour faire valider lescdites pretendues prouisions, mais ce sont choses obtenues pendāt le proces, & au preiudice du tiers, auxquelles le Conseil n'a accoustumé d'auoir esgard; & sur lesquelles pour raison de ce ledit demandeur ne s'arrestera d'auantage: consideré que ledit maistre Arnould a esté le premier pourueu par le chapitre: & par ainsi, outre ~~le~~ le vice desdictes prouisions, il seroit tousiours preferable.

Ledit demandeur se voulant principalemēt seruir de la prouision par luy obtenüe en Court de Rome, a produit par mesme moyen vne reseruation faiēte par le Pape, de pourueoir aux dignitez principales des Eglises collegialles: mais ces reseruatiōs *de quibus in regula cancel.* n'ont point de lieu en France, & ont esté ostées par le Concordat. Comme remarque Rebuffé sur ceste reigle de Châcellerie, & sur le tiltre *de reseruationibus mun.* 38. Cela mesme est resolu par la pragmatique sanction *tit. de elect.* Car en Frâce telle puissance absolue n'a point de lieu, mais elle est limitée & bornée par les Decrets & saincts Conciles de l'Eglise, receus en ce Royaume pour la liberté de l'Eglise Gallicane. Le Concile de Basle y est en cela expres, & a osté telles reseruatiōs. En la cession 23. *in fu. tit. de reseruationibus*, ainsi qu'il est rapporté en ladite pragmatique sanction: Ledit demandeur l'a bien recogneu ayant obtenu ces pretendues prouisions dudit Vicair & en ladite legation. A quoy ledit deffendeur adioustrera vn moyen qui n'a point de responce: C'est à sçauoir, que les Papes mesmes ont transferé ledit droict au Chapitre, ainsi qu'il appert par les pieces par luy produictes.

Reste ledit breuet obtenu par ledit demandeur, de sa Majesté, pour le ioyeux aduenement à la Courōne, sur lequel ledit deffendeur n'insistera d'auantage, consideré que ledit demandeur en a faiēt si peu de mention dans les contredits, qu'il a recogneu tacitement par là ne luy pouuoir de rien seruir au faiēt qui se presente. Aussi estant du mois de Decembre quatre vingts



douze, n'a esté mis en euidence que iusques en l'année 94. & si lors que suyuant l'ordonnance la grace dudit breuet estoit expiré. Ledit demandeur a obtenu toutes les prouisiōs, dont mētion est faicte cy dessus, sans faire aucune mention dudit breuet, & qui plus est, il ne se trouuera point que ledit breuet ait iamais esté inthimé, ny requisition faicte en vertu d'iceluy auparauiant la vacation dudit benefice contentieux, voire mēmes iusques à ce que ledit maistre Arnauld en eust iouy plus d'un an paisiblement, en vertu des prouisions par luy obtenues du Chapitre. Au chapitre *si capitulo de concess. preb. in 6.* & suyuant la prattique ordinaire, si l'insinuation & requisition des breuets, qui sont graces expectatiues, n'est faicte auparauiant le decès du titulaire. Il est permis à l'ordinaire de conferer les benefices vacans à qui bon leur semble, car autrement telles graces expectatiues *non darentur ad vacatura sed ad vacantia beneficia*, & en suruiendroient vne infinité d'abus & collusions.

Voila toutes les prouisions, en vertu desquelles ledit demandeur pretend droit dudit benefice, lesquelles, quand ainsi seroit que fussent tant soit peu considerables, neantmoins ledit demandeur ne s'en pourroit encor seruir, attendu l'incapacité de sa personne.

En premier lieu, ses lettres de tonsure, qui doyuent estre exemptes de tout soupçon, & sans lesquelles l'on ne peut tenir aucun benefice, sont contraires à vne attestation que ledit demandeur auoit produicte en ladite Cour, lors que le proces y estoit pendant : cela apporte vne presumption de faux, ainsi que le deffendeur a remonstré assez au long par ses escritures & contredits, & ce qu'il ne repetera pour euitier à prolixité.

En outre, lescdites lettres de tonsure ne scauroient rendre ledit demandeur capable pour tenir ledit benefice, comme estant du tout incompatible avec l'estat de Thresorier general, qu'il possede, ledit estat requiert vne actuelle residence en la ville d'Aix: ledit benefice en requiert de mēme en ladite ville de Forcalquier, par l'ordonnance de Charles 7. de l'année 1545. les Thresoriers peuuent cognoistre & iuger des choses criminelles, voire mēmes par celles de l'année 1550. il leur est adstrait de ce faire. C'est à scauoir, d'informer sur les maluersations cōmises par ceux qui manient les deniers du Roy, l'Eglise ne fuit rien tant que cela, *neque nouit sanguinem* : Il y a plusieurs autres charges concernant l'office des Thresoriers, contenues dans les ordonnances, & le discours desquelles seroit par trop prolix, qui sont du tout incompatibles avec ladite preuosté, *toto titul. ne clerici vel mon. secul. negot.* D'où s'ensuit, que soit que l'on regarde la nullité des prouisions dudit demandeur, soit que l'on regarde l'incapacité de sa personne, il ne peut pretendre aucun droit au benefice contentieux.

Au contraire, ledit deffendeur se trouue (soubz correction) trescapable, & deuëment pourueu de ladite preuosté.

Quant à ces capacitez elles n'ont point esté contredites, quant à ses prouisions. La premiere, de laquelle tire la plus grand partie de ses droits, fut obtenue par ledit maistre Arnauld, du chapitre de ladite Eglise, comme estant le vray & legitime collateur de ladite preuosté. Ceste prouision est de



mesme datte que celle obtenuë par ledit demandeur dudit pretendu Vicairre, & neantmoins preferable, d'autant que la collation dudit benefice appartient audit Chapistre. C'est vn des principaux differens d'entre lesdites parties, par le moyen duquel ledit demandeur impugne les prouisions dudit maistre Arnould, mais à cela la responce est prompte : car ledit demandeur n'a aucun tiltre dans son sac pour iustifier que l'Euesque de Cisteron aye le droit de collation, si cela estoit il feroit apparoir de quelque prouision emanée dudit Euesque: Au contraire ledit deffendeur a produit vne infinité de pieces pour iustifier le tiltre dudit Chapitre, & la possession de conferer ladite preuosté, qui sont deux moyës indubitables par disposition de droit.

La premiere est vn extraict des statuts de l'Eglise de Forcalquier, qui porte outre ces mots, *Quod quotiescunque prepositus vel alij personatus, vel canonici fuerunt creandi sine eligendi in Ecclesia Forcalquierensi, omnes Canonici qui possunt & debent secundum ius, & consuetudinem vocentur.*

Suyuant ces priuileges & statuts dès l'année 1423. vn nommé Robertus, lors Euesque de Cisteron, maintint & cōserua ledit Chapitre en leur droit de collation, tant de ladite preuosté que des Chanoines, & entât que de besoin le leur oëtroya de nouueau. Item, dit-il, *quia comperimus in vestris predictis cartis & instrumentis quod prepositura, Canonatus, clericatura ac omnia alia beneficia personatus, dignitates & officia atque capellania fundate in dicta Ecclesia, beati Marj fuerunt & sunt per concessiones retro Pontificum predecessorum nostrorum, data atque concessa, datoque atque concessa ac vestrorum prepsiti & Capituli Forcalquierensis collationem & omninodam dispositionem nobis aut Vicario nostro indictis collationibus, per vos faciendis minime requisitis. Hanc etiam concessionem ac donationem laudamus, approbamus & emologamus, & si indigeritis de nouo concedimus.*

Outre ceste recognoissance & nouuelle concession ledit deffendeur a encores produit vne prouision Apostolique faisant mention, & portant vne confirmation speciale de susdits pouuoirs de conferer, tant ladite preuosté que Chanoinnies, en faueur dudit Chapitre, voire mesme vne concession nouuelle entant que de besoin. De sorte qu'en vertu desdites concessions & priuileges ledit Chapitre a tousiours conferé ladite preuosté & Chanoines, s'il n'a esté preuenu par le Superieur, ou le benefice n'a vaqué en Court de Rome.

Pour les collations des Chanoines, ledit deffendeur en a produit vn grand nombre de celles qui sont faictes par ledit Chapitre: Pour la preuosté, à la verité il n'en a produit que deux, mais c'est assez pour monstrier la possession de conferer, voire mesmes quand il n'y en auroit qu'une seule: Comme a remarqué Panorme *in cap. cum olim sub mun. 5. de caus. poss. & propriet.* ioint aussi que la collation de ces Chanoines sert pour monstrier le droit & collation de ladite preuosté, veu qu'il procede d'une mesme source.

Ce priuilege n'est point particulier ny extraordinaire audit Chapitre de Forcalquier, car ledit deffendeur a iustifié dans sa production, comme plusieurs autres Chapitres circonuoisins ont le mesme droit, mesmes le Chapitre de Cisteron, où ledit Euesque fait sa residence. Toutes lesquelles pieces



sont si anciennes & expressees pour la iustification du droit du Chapitre, qu'elles ne peuuent estre vablement contredictes: Cōsideré, que quoy que ledit demandeur mette en auant qu'il faut en fin qu'il reconnoisse la validité d'icelles: veu que depuis ledit temps il ne faict apparoir d'aucunes prouisiōs dudit Euesque, & que par disposition de droit *ex diuturnitate temporis omnia videntur solenniter acta.*

Aussi apres auoir mis quelques faicts en auant par ses contredits, aux fins d'impugner le contenu ausdites pieces, il est contraint de reconnoistre tacitement le pouuoir dudit Chapitre: mais il dit que la collation faicte audit maistre Arnould par ledit Chapitre, n'a esté faicte canoniquement, que ledit maistre Arnould auoit assisté à quelques iugemens criminels, & par ainsi qu'il estoit irregulier: & que quād tout cela cesseroit, que la prouision par luy obtenue en ladite legation est de mesme iour que celle dudit maistre Arnould, & par ainsi preferable *propter gradus prorogatiuam.* Il allegue vn autre faict: c'est à sçauoir, que l'eslection dudit maistre Arnould a esté faicte auparauint l'inhumation du dernier titulaire, lequel faict est inconsiderable, veu qu'il demeure d'accord que c'est apres son deces, & qu'en mesme temps il a obrenu les pretendues prouisiōs dudit d'Aymini.

Pour reuenir donc à la premiere obiection, ledit deffendeur ne s'arrestera dauantage à remonstrer les formes que l'on obseruoit par la disposition du droit Canon ausdites eslections, il y en auoit de trois sortes: à l'vne desquelles il falloit, à la verité, que tous les Chanoines fussent appelez, c'est à dire les presens, & ceux qui le pouuoient estre commodement. Cela a esté faict à la prouision dudit maistre Arnould, laquelle porte qu'ils ont tous esté canoniquement assemblez.

Pour le regard de ladite preteue irregularité, ledit maistre Arnould a deux dispences, l'vne de l'Euesque, ou de son Vicair, l'autre de nostre S. Pere le Pape. Celle dudit Vicair se peut soustenir par disposition de droit, ledit demandeur ne faisant apparoir que ledit deffendeur aye donné aucune sentence qui aye esté executée par laquelle, ou la mort, ou la mutilation de membre s'en soit ensuyue, *cap. 1. & 2. de clericis pugnanti. in duello*, consideré mesmes les deffences de se prouueoir pendant ledit temps en Cour de Rome: & la necessité, laquelle fait quelquefois approuuer les choses illicites: Comme a remarqué Rebuffé en sa pratique beneficiaire, *tit. de dispensatione ad plura benef. num. 7.* où il dit que l'Euesque peut dispenser pour causes mesmes, contre les Confiles generaux alleguant sur ce propos le Chapitre *vacante* & le Chapitre *exposui, de prebend.* & le Chapitre *inter quator de relig. domib.*

Mais qu'est-il besoin de tant d'autorité, n'a on pas veu pendant ces troubles, & lors de l'interdiction, que les Euesques ont dispensé les seculiers de tenir de benefices reguliers, & toutes fois c'estoit contre les Conciles.

Pour le regard de la dispence de nostre S. Pere le Pape, elle porte, entāt que de besoin, nouuelle prouision avec clause *de perinde valere*, ledit demandeur l'impugne par deux moyens principalement. Le premier, en ce qu'il preten que ladite dispence ne peut auoir aucun effect retroactif, ny confirmer la pro



uision dudit Chapitre obtenuë par ledit Arnould pendant sa pretendue irregularité. Le second est fondé sur la vulgaire reigle de *non tollendo ius quaesitum*: mais pour le premier, la dispence dudit Vicaire obtenuë en mesme temps, estoit suffisante. En outre, il est tres certain que ceste clause de *perinde valere à vn effect retroactif*, & fait autant comme si du commencement la prouision eust esté valable, *nam tantum debet operari fictio in casu ficto quantum veritas in casu vero* l. *filio de lib. & posth.* Et de fait le Pape peut faindre, & ordonner que l'acte soit aussi bon comme si du commencement il eust esté fait, selon les loix *Barth. & alij doct. in l. si quis pro emptore ff. de usur.* Aussi Rebuffé in *tractatu de paciss. poss. num. 34. quaest. xv.* dit que si la dispence fait mention des benefices obtenus, elle sert *etiam super obtentis*, suyuant l'opinion de Paul de Castro in l. *si in m. ff. de condit. & demonstr. & author. in cap. non potest. de praben. in 6.* d'où s'ensuit qu'elle a vn effect retroactif.

Quant à l'autre moyen, il n'est (soubz correction) à propos: Car en premier lieu, pour se seruir de ceste reigle il faudroit que ledit demâdeur eust esté lors de ladite dispence pourueu par deuolut, ledit deffendeur est en plus forts termes, parce que ledit demandeur n'auoit aucun droit audit benefice. Car comment est-ce que cela se pourroit soustenir, veu mesmes qu'encores de present il n'y en peut point auoir du tout point, consideré la nullité de seldites prouisions, dont mention est faite cy dessus.

D'ailleurs, ceux qui ont escrit sur ceste reigle ont distingué *utrum ius principaliter* ~~hanc~~ *per consequentiam*. Au premier cas, à la verité ils sont d'accord que les rescrits ne preiudicient iamais au droit du tiers, pour le second cela se peut faire. Et c'est pourquoy comme sur ceste reigle dit fort à propos, que si le Pape n'entend point preiudicier au droit pour fauoriser l'impetrât, que tels rescrits doyuent sortir à effect, encore que quelques vns y pretendissent interest. Ce que mesmes se peut confirmer par la disposition de la loy. *cum oratione §. fin. de excusat. tut.* où le Iurisconsulte dit, qu'il ne faut pas considerer le preiudice que l'on rescrit en consequence de quelque grace *quia illud reputatur secundarium ex quo principaliter fauor, fuerat in consideratione*.

Reste pour ne rien omettre de ce qui est de la verité du fait, de respondre à l'un des moyens aduancez par ledit demandeur, pour monstrier que la prouision par luy obtenuë en ladite legation d'Anignon, doit estre preferée à celle dudit maistre Arnould, *propter gradus prerogatiuam*.

En premier lieu, il fonde ses maximes sur vn fait qui ne se trouuera point: c'est à sçauoir, que lesdites deux prouisions sont de mesme iour, car celle dudit demandeur se trouuera posterieure: d'ailleurs, à ladite prouision du demandeur estant nulle pour raison de ce que dit est cy dessus, il n'y peut auoir aucune concurrence. Finalement ledit demandeur demeurât d'accord par ses cōtredits, que ledit maistre Arnould a le premier prins possession dudit benefice en vertu de ladite prouision, il faut qu'il reconnoisse par mesme moyen que les textes par luy allegué pour s'attribuer ladite preferée, sont (soubz correction) mal à propos, car il est indubitable par disposition de droit in *cap. si à sede & ibi glosa & doctores, de prabend. in 6.* & ainsi mesme que Re-

*quaratur*



buffé a traité fort au long au traité de paciff. *poss. num. 297.* que lors que celui qui a esté pourueu par l'ordinaire, a le premier prins possession, il est preferé à celui qui a esté pourueu par le Pape ou par le Legat, ores que les prouisions soient de mesme iour, *quia dict. il. presumitur quod is qui prius adipsitur possessionem priorem habuerit collationem quam presumptionem dicit esse iuris & de iure*, mais ceste dispute est inutile: car comme dit est, la prouision dudit Serre est postérieure.

Ledit demâdeur apres auoir impugné les prouisions dudit maistre Arnauld vient à celles dudit deffendeur, par le moyen desquelles il a esté subrogé à son droi lieu & place, ledit maistre Arnauld a depuis resigné son droict audit deffendeur, qui en a bien & deuëmēt esté pourueu en la legation d'Auignon, & apres les deffences ostées, selon les formes ordinaires, tant par ce genre de vacation, que mesmes par l'incapacité dudit maistre Arnauld, si aucune y en auoit, & en quelque façon & maniere que ledit benefice vaque, en execution dequoy il en a depuis prins possession.

Tout ce que ledit demandeur met en auant touchât ladite prouision, c'est qu'il dit qu'il n'y a point de procuration *ad resignandum*, & par ainsi qu'elle est nulle, mais de procuration il n'y en peut auoir, attendu que ladite resignation a esté faicte *in presentia*. Il est certain, vulgaire, & indubitable par disposition de droict, que l'on peut resigner *aut per se aut per procuratorem hostrens. in summa de reuincationib. §. quis renuntiare*, l'on ne veist iamais qu'il fallust aucune procuration pour resigner lors que la resignation est faicte *in presentia*, *quia aliud est resignare aliud constituere procuratorem ad resignandum*. C'est pourquoy pour ce regard il n'y a (soubz correction) poinct de difficulté: Finalement ladite prouision dudit deffendeur obtenue en ladite legation, est aussi en forme de deuolut: De sorte que le Conseil void par là, que si la pretendue irregularité & incapacité dudit maistre Arnauld aduancée par ledit demandeur, estoit tant soit peu considerable, que ledit demandeur ne s'en pourroit preualoir n'estant pourueu par ce genre de vacation, ains seulement par le deces dudit Blain *cum vnum genus vacationis non extendatur ad aliud*, ains seulement ledit deffendeur, qui est homme d'Eglise seruant à l'Autel, & en la bouche duquel lesdites choses seroient plus considerables qu'en la bouche dudit demandeur, qui est irregulier de toute irregularité, & du tout incapable de tenir ledit benefice. A quoy ledit deffendeur supplie tres-humblement le Conseil vouloir auoir esgard *officium iudicis humiliter implorando*.

